

POZIV
za učešće u programu ekonomskog osnaživanja žena s invaliditetom
koji je dio projekta „Ovdje sam - vidljiva i ponosna”

MyRight poziva žene s invaliditetom iz cijele Bosne i Hercegovine da se prijave za učešće u drugoj generaciji programa ekonomskog osnaživanja, koji se realizuje u okviru višegodišnjeg projekta „Ovdje sam – vidljiva i ponosna“.

Program je namijenjen ženama s invaliditetom koje žele pokrenuti ili unaprijediti vlastiti mali biznis – bilo da već imate posao koji želite razviti, hobi koji želite pretvoriti u izvor prihoda, ili dugo sanjate da probate nešto svoje. Za razliku od drugih programa, ovaj je posebno prilagođen vašim potrebama, mogućnostima i okruženju. Naš cilj nije samo da naučite poslovne korake, nego i da se osnažite, povežete s drugima i napravite konkretan pomak ka samostalnosti.

Važno je da vaša ideja bude jasna, ostvariva u lokalnim uslovima i prilagođena vašim mogućnostima. To može biti hobi koji ste godinama negovale, vještina koju rado koristite, posao koji već vodite a želite ga unaprijediti, ili nova ideja koju želite istražiti. Bitno je da vjerujete u svoj potencijal, da ste spremne učiti, dijeliti iskustva i uložiti trud u njen razvoj.

Kako bismo vam pomogli u razvoju takve poslovne aktivnosti, program obuhvata:

- Trening o izradi poslovnog plana, s uvodom u poslovno planiranje, marketing i istraživanje tržišta,
- Trening za razvoj individualnih poslovnih planova koji obuhvataju finansije i razvoj proizvoda,
- Prezentacijske i vještine pisane korespondencije
- Mentorska podrška tokom cijelog program, do finalne verzije poslovnog plana,
- Studijska posjeta uspješnim poduzetnicama u svrhu razmjene znanja i iskustava kao i poslovnog umrežavanja

Obuka je organizovana kroz tri susreta, svaki u trajanju od dva dana, i povezuje teoriju i praksu uz interaktivni rad na vašim konkretnim idejama.

Sadržaj, dinamika i način izvođenja obuke u potpunosti su prilagođeni potrebama učesnica – uključujući pristupačnost prostora, materijala i komunikacije. Sve aktivnosti programa, uključujući obuku, konsultacije i mentorsku podršku, potpuno su besplatne. Aktivnosti za odabrane učesnice biće realizovane od oktobra do decembra 2025. godine.

Ako osjećate da je pravo vrijeme da date šansu svojoj ideji – da je izgradite, osnažite i pretvorite u nešto svoje – pozivamo vas da se prijavite.

Pošaljite svoju prijavu na info@myright.ba tako što ćete:

1. Popuniti prijavni obrazac (koji se nalazi u prilogu poziva),
2. Priložiti kratko motivaciono pismo u kojem svojim riječima objašnjavate:
 - Šta vas motiviše da učestvujete u programu,
 - Koja je vaša ideja (ili hobi/vještina koju želite razviti),
 - Šta očekujete da ćete postići kroz ovaj program.

Broj mjesta je ograničen, a prijave se razmatraju po redoslijedu pristizanja – zato vas pozivamo da se prijavite što prije!

Rok za podnošenje prijava je 05.09.2025. godine.



U MyRight-u vjerujemo da pristupačnost mora biti zagarantovana svima – zato vas molimo da ne odustanete zbog prepreka u okruženju. Ako mislite da nećete moći učestvovati zbog nepristupačnog prostora, prevoza ili komunikacije – obratite nam se. Zajedno ćemo pronaći rješenje.

Vi samo trebate vjerovati u sebe, svoju ideju – i biti spremne da uložite trud u njenu realizaciju. Pridružite nam se i pretvorite svoju ideju u stvarnost!

MyRight BiH